



册府元龜
卷之四百八十八
至九十



13
849
162



門 4 3
號 849
卷 162



冊府元龜

淮南李嗣京叅閱

西極文翔鳳訂正

豫章黃國琦較釋

邦計部

賦稅第二

唐德宗建中元年正月制自艱難已來徵賦名目繁
雜委黜陟使與諸道觀察使刺史作年支兩稅徵納
比來新舊徵科色目一切停罷兩稅外輒別率一錢
四等官准擅興賦以在法論其軍府支計等數准大

曆十四年八月七日勅處分

二月發黜陟使分往天下作兩稅之法凡百役之費一錢之斂先度其數而賦於人量出以制入戶無土客以見居為薄人無丁中以貧富為差行商者在所部郡縣稅三十之一居人之稅秋夏兩徵之俗有不便者二之餘徵賦悉罷而丁額不廢其田畝之稅率以大曆十四年墾數為準徵夏稅無過六月秋稅無過十一月違者進退長吏令黜陟使各量風土所宜人戶多少均定其賦稅尚書度支總統焉是年天下兩稅之戶凡三百八萬五千七十有六賦入一千三

百五萬六千七十貫斛鹽利不在焉

詩宰相楊炎定令式國家

租賦庸調之法開元中玄宗修道德以寬仁為理本故不為版籍之書人戶寢溢隄防不禁丁口轉徙非舊名矣田畝移換非舊額矣貧富升降非舊第矣戶部徒以空文總其故書蓋不得當時之實舊制人丁成邊者蠲其租庸六歲免歸玄宗方事夷狄成者多死不返邊將估寵而諱敗不以死申故其貫籍之名不除至天寶中王鉷為戶口使方務聚斂以丁籍具存則丁身焉往是隱課而不出耳遂案舊籍計除六年之外積徵其家三十年租庸天下之人無告則租庸之法弊久矣迨至德之後天下兵起始以兵後因之饑厲徵求運輸百役並作人戶凋耗版圖空虛軍國之用仰給於度支轉運二使四方大鎮又自給於節度都團練使賦斂之司數四而莫相統攝於是綱目大壞朝廷不能覆諸州四方貢獻悉入內庫權臣猾吏因緣為奸或公託進獻私為盜賊者動方萬計河南山東荆襄劍南有重兵處皆厚自奉養正賦所入無幾吏之職各隨人署置俸給厚薄由其增損故科斂之名凡數百廢者不削重者不去新舊仍積不

知其涯百姓受命而供之瀝膏血鬻親愛旬輸月送無有休息吏因其苛蠶食于人凡富人多丁者率爲官僧以色役免貧人無所入則丁存故課免於上而賦增于下是以天下殘瘁蕩爲浮人鄉居地着者百不四五如是者殆三十年炎因奏懇言其弊乃請作兩稅法德宗善而行之詔諭中外而掌賦者沮其非利言租庸之令四百餘年舊制不可輕改帝行之不疑天下便之人不土斷而地著賦不加斂而增入版籍不造而得其虛實貪吏不戒而奸無所取自是輕重之權始歸于朝廷炎救時之弊頗有嘉聲也

三年五月淮南節度使陳少遊請於本道兩稅錢每千增二百因詔他道悉如淮南

貞元四年正月制天下兩稅更審定等第仍加三年一定以爲常式

八年四月劍南西川節度使韋臯請加稅十二以增

給官吏從之

五月初增稅京兆青苗畝三錢以給掌閑曠騎

十二年二月號州刺史崔衍奏所部多是山田且當

郵傳衝要屬歲不稔頗有流離舊額賦租特乞蠲減

號居華陝之間而稅重數倍青苗錢華陝之郊畝出

十有八而號之人畝徵七十衍乃上其事時裴延齡

領度支方務聚斂乃詰衍以前後刺史無言者衍又

上陳人困日久有司不宐以不訴爲譴表辭切直有

詔乃減號州青苗錢

十八年十月詔京畿諸縣百姓應今歲青苗錢其中

有便于納粟者計約時估價納之如便于納錢不便
于納粟者宜聽委京兆府專督其務如縣令及主吏
壅命者懲罰有差國家經計當有儲畜百姓徵賦深
可優矜所期使人亦莫均濟咨爾長吏宜悉朕懷
順宗以貞元二十一年正月卽位制天下諸州府應
須夫役車牛驢馬腳價之類并以兩稅錢自備不得
別有科配仍并依兩稅元勅處分仍永爲賞式不得
擅有諸色權稅

憲宗元和四年二月度支奏諸州府應上供受稅疋
段及留使留州錢物等每年疋段估價稍貴其留使
留州錢卽聞多是徵納見錢及賤價折納疋段既非
齊一有損疲人伏望起元和四年已後據州縣官正
料錢數內一半任依京官例徵納見錢支給仍先以
郭下兩稅戶合給見錢充如不足卽于當州兩稅內
據貫均配支給其餘留使州雜給用錢卽請各委州
府並依送省輕貨中估折納疋段充如本戶稅錢較
少不成端疋者並任折納絲綿如舊例徵納雜物斛
斗支用者卽任准舊例處分其折納疋段定中估仍
委州縣精加揀擇如有濫惡所由官并請准今年正
月十五日旨條處分應帶節度觀察使州府合送上

都兩稅錢既須差綱發遣其留使錢又配管内諸州
供送事頗重疊其諸道留使錢伏請各委節度觀察
使先以本州舊額留使及送上都兩稅錢充如不足
卽於管内諸州兩稅錢內據貫均配其諸州舊額供
使錢卽請隨夏稅旨限收送上都度支收入次年旨
符便爲定制伏以諸道兩稅徵斂不嘗闕井之間頗
聞因弊臣今類會如前勅所納疋段并依中估明知
加價納物務在利及疲人若更徵剝實錢卽是重傷
百姓自今已後送省及留使疋段不得剝徵折估錢
但委刺史縣令分明告諭令加意織造不得濫惡故

違節級科貶其供軍醬菜等價直合以留州使錢充
者亦令見錢疋段場納仍具每州每使合納見錢數
及州縣官俸料納一半見錢數同分析聞奏仍便納
入今年旨條以爲嘗制餘依先是天下方鎮恣意誅
求皆以實估斂于人虛估聞於上宰臣裴瑋深知其
弊俾有司奏請釐革江淮之人今受其賜

五年正月度支奏諸州府見錢准勅空於管内州據
都徵錢數逐貫均配其先不徵見錢州郡不在分配
限都配定一州見錢數任刺史着百姓隱便處置其
勅文不加減者卽准州府所申爲定額如於勅額見

錢外輒擅配一錢及納物不依送省中估刺史縣令錄事參軍節及科貶

六年二月制曰編戶之征既有藝極字眡之要當恤有無苟徵斂不時則困弊無日近緣諸州送使錢物回充上供合送使者使司又立程限所以每至歲首給用無資不免量抽夏稅新陳未接營辦尤艱委觀察使且以供軍錢方員借使輒不得量抽百姓夏貢有差先乎任土周弊殊等實在使人近日所徵布帛並先定物樣一例作中估受納精粗不等退換者多轉將貨賣皆致損折其諸道留使留州錢數內綿帛

等但有用處隨其高下約中估物價優饒與納則無棄物官靡逋財其所納見錢仍許五分之一中量徵二分餘三分兼納實估足段

六月命京兆府其兩稅宜以粟麥絲絹折納十年三月京兆府奏恩勅蠲放百姓兩稅及諸色逋懸等伏以聖慈憂軫疲氓屢蠲逋賦將行久遠實在均平有依倚權豪因循觀望忽逢恩貸全免征繇至于孤弱貧人里胥敦迫及期輸納不敢稽違曠蕩之恩讎不霑及亦有奸猾之輩僥倖為心時雨稍愆已生覬望競相誘扇因致逋懸若無綱條實恐滋弊自

今後忽逢不稔或有恩蕩伏請每貫每石內分數放免輸納已畢者准數折免來年租稅則恩澤所加強弱普及人知分限自絕奸欺從之諸州府亦准此處分

十一年六月京兆府奏今年諸縣夏稅折納綾絹純細絲綿等竝請依本縣時價只定上中下等每疋加饒二百文綿每兩加饒十五文絲每兩加饒二十文其下等物不在納限小戶本錢不足任納絲綿斛斗須是本戶如非本戶輒合集買成疋段代納者所由決十五枷項令眾勅旨依奏

十三年正月勅天下諸州府百姓兩稅之外輒不得更有差率已頻申勅尚恐因循宜委御史臺一切札察其諸道州府因用兵以來或應有權置職名及擅加科配事非制者一切禁斷准西側近應緣資給軍用權宜權稅經奏請者各委條流停省

十四年四月勅如聞諸道州府長吏等或有本任得替後遂于當處買百姓莊園舍宅或因替代請庇便破除正額兩稅不出差科今後有此色竝須依額為定

穆宗以元和十五年正月即位閏正月戶部侍郎判

度支崔俊奏淄青兗海鄆曹等三道及激蔡申光等
州勘定兩稅錢物斛斗等奉今年正月二十二日勅
前件州郡久陷賊廷將定差科切在均一宜令度支
郎中趙侂專往與所在觀察使刺史審實勘定聞奏
伏以道路遙遠准旨條夏稅六月一日起徵若侍使
迴覆奏卽蚕桑已過徵稅失時制使或臨又頗勞擾
伏請各委本州刺史審量物力約舊配額比類隣州
徵稅輕重及土地物產厚薄定兩稅錢物斛斗類並
具送上都及留州刺史等額分折聞奏務使平允不
得令已後致有申論從之

二月詔天下百姓等自屬艱難棄其鄉井戶部版籍
虛繫姓名建中元年已來改革舊制悉歸兩稅法久
則弊奸滋益生自今已後宜准例三年一定兩稅非
論土著客居但據資產率皆應屬諸軍諸使諸司人
等在鄉村及坊市居舖經紀者宜與百姓一例差科
不得妄有影占如有違越所司具所屬司并人名聞
奏焉

長慶元年正月制州縣應徵科兩稅推酒錢肉舊額
須納見錢數者並任百姓隨所有疋段及斛斗依當
處時價送納不得邀索見錢

七月制曰愛人本于省賦雖必在輕國用出于他財
又安可闕今淮蔡并山東率三十餘州約數千里頒
賜可踰于鉅萬給復有至于連年應河南河北等州
給復限滿處置宜委所在長吏審詳墾田并桑見定
數均輸稅賦兼濟公私每定稅訖具所增加賦申奏
其諸道定戶宜委觀察使刺史必加審實務使均平
京兆府亦宜准此

敬宗以長慶四年正月卽位三月制曰自今已後州
府所由戶帳及墾田頃畝宜據見徵稅案爲定申省
後戶部類會具單數聞奏仍勅五年一定稅如有逃

亡死損州縣須隨事均補亦俾年終申戶部如有隱
漏委御史臺及所在巡院察訪聞奏天下兩稅及諸
色權稅等錢弊輕重須有損益亦委中書門下條流
聞奏諸道除正勅率稅外不得擅有諸色權稅事涉
擾人并宜禁斷及軍屯營種有侵占丁田課役稅戶
者宜委御史臺切加訪察仍限勅到一月內每道各
具所還州縣頃畝分析聞奏
寶曆元年四月制京畿百姓多屬諸軍諸使或戶內
一人在軍其父子兄弟皆不受府縣差役頃者頻有
制勅處分如聞尚未遵行宜委京兆府亦舉明前後

條流聞奏

文宗太和二年二月興元尹王涯奏本府南鄭兩稅錢額素高每年徵科例多懸欠今請于管內四州均攤代納二千五百貫文配蓬州七百五十貫果州七百五十貫通州五百貫邑州五百貫勅旨宣付所司四年五月劍南西川宣撫使諫議大夫崔戎奏准詔旨制置劍南西川兩稅舊納見錢今令一半納見錢一半納當土所在雜物仍于時估之外每貫加饒三百五文依元佑充送省及雷州雷使支用者今臣與郭釗商量當道兩稅並納見錢軍中支用及將士官

吏俸依賜並以見錢給付今若一半折納則將士請受折損較多今請兩稅錢數內三分二分納見錢一分納疋段及雜物准詔每貫加饒五百文計優饒百姓一十三萬四千二百四十三貫文成都府及諸縣并邛雅黎等州蠻寇所經處賦稅三分蠲放一分其不經賊處亦量減放共計減放一萬七千六百二十貫文其不經賊處伏緣兩稅先徵見錢今三分已一分折納雜物計優饒百姓一十三萬餘貫文西川稅料舊有苗青如茄子薑芋之類每畝或至七八百文徵斂不時煩擾頗甚今令並省稅名目一切勒停盡

依諸處為兩限有青苗約立等第頒給戶帖兩稅之外餘名一切勒停今臣與郭釗商量得報稱已徵夏稅之時改法未得先已奏請以今年已後每年冬于本色苗本額稅中並減一半詎計減放四萬二千五百四十四貫文臣奉使日伏蒙處置如前可之五年十一月詔曰鄆曹濮淄青登齊萊兗海沂密等十二州自頃年收復已來屬中外多故徵賦輕重或未均平今三道守臣無非循吏百姓安逸流亡盡歸須于此時立一經制宜令諫議大夫王彥威充勘定兩稅使仍與令狐楚等審商量其兩稅權酒及徵物

疋數虛實估價并留州留使上供等錢物斛斗比類諸道一一開項分析平均攤配立一定額使人知嘗數不可加減廻日具件開奏

六年九月淄青觀察使王承元奏准旨定徵兩稅五州共一十九萬三千九百八十九貫淄青自收復後未有兩稅上供自此始徵是年天平軍奏請起天和七年歲供兩稅權酒等錢十五萬貫粟五萬石

自元和末

勾復李師道十二州朝廷不安及側徵賦所入盡留贍軍至是方歸王府

八年十月興元觀察使請減當府及洋州兩稅錢八十六百貫文移加果園渠開等四郡

開成二年二月勅諸州府或遇水旱有欠稅額合供錢物斛斗委州縣官長設法招携及招戶承佃其錢陸續填納年終後具歸復填補錢物數聞奏并報度支

四年十二月邕管經畧使唐弘實奏當管上供兩稅錢一千四百七十三貫文其見錢請每年附廣州綱送納勅宜委嶺南西道觀察使每年與受領廻易輕貨附綱送省其備運腳錢仍令數內抽折

武宗會昌元年正月制曰租斂有嘗王制斯在徵率無藝齊民何依尚外諸州府百姓所種田苗率稅斛斗素有定額如聞近年長吏不遵條法分外徵求致

使力農之夫轉加困弊亦有每歲差官巡簡勞擾頗深自今已後州縣每年所徵斛斗一切依元額為定不得隨年簡責數外如有陂澤山原百姓或力能墾闢耕種州縣不得輒問所收苗子五年不在收稅限

五年之外依例收稅於一鄉之中先填貧戶欠闕如無欠闕即均減眾戶合徵斛斗但令不失元額不得隨田地頃畝加稅仍委本道觀察使每年秋成之時具管內墾闢田地頃畝及合徵上供畱州使斛斗數分折聞奏數外有剩納人戶斛斗刺史以下并節級

重加懲貶觀察使奏聽進止仍令出使郎官御史及度支鹽鐵知院官訪察聞奏

四年七月中書奏諸道百姓所納二稅并畱州錢帛諸物多是虛擡價例其分數並乃不依朝廷須議科繩當行懲責勅從之

宣宗大中二年正月制諸州府縣等稅納只合先差優長戶車牛近者多是權要及富豪之家悉請畱縣輸納致使單貧之人却須僱脚般載從今已後其畱縣並須先饒貧下不支濟戶如有違越節級官吏重加科歿

四月勅曰朕以俗未臻於富庶念每切於黎元衣食罕充肝旻興歎夫百姓田疇地有高低歲有善惡復有水澇卽低田不稔稍遇亢旱卽高處無苗近聞州縣長吏掩其水旱傷損務求辨集唯于熟苗上加徵將填欠數致使黎元重困惠養全乖自今後州縣百姓有遭水旱苗稼不收虛簡驗不虛便准前後勅文破免不得加徵熟田人戶令本配額外重出斛斗四年正月大赦節文食力之徒須令自濟天下倉場所納斛斗如聞廣索耗物別置一倉斛斗又隨斗納耗物率以爲嘗致疲人轉困職此之由自今委長吏

切加提舉一切依倉部格如有違犯專知官停見任仍殿兩選所由決存杖二十准法處分所貴利歸農畝耕者不饑其天下諸州府百姓兩稅之外輒不許更有差率已頻申勅尚恐因循宜委御史臺切加糾察如有違犯縣令錄事參軍判官節級科責長吏不存勾當亦委臺司察訪聞奏其諸道州府應所征兩稅疋段等物並畱使錢物納疋段等虛實估價及見錢從來皆有定額如聞近日或有虛實於價數內徵實估物又其分數亦不盡依勅條宜委長吏切加遵守苟有違越必議科繩本判及專知官當重懲責

懿宗咸通元年十二月制舊以天下賦租年終勾並或刺史入府或縣令上州所科群胥盡出百姓且官有理所安可擅離物犯贓條何須枉法從今委知彈御史出使郎官凡繫抵違明具論奏仍委預爲條目各遣聞知

梁太祖開平元年既受唐禪兩稅之法咸因唐制後唐莊宗同光二年二月勅歷代以後除桑田正稅外只有茶鹽銅鐵出山澤之利有商稅之名其餘諸司並無稅額僞朝已來通言雜稅有形之類無稅不加爲弊頗深興怨無已今則軍需尚重國力未充猶

賦稅二
且權宜未能全去見簡天下桑田正稅除三司上供
既能無漏則四方雜稅必可盡除仰所司速簡勘天
下州府戶口正額墾田實數待憑條理以息煩苛
三年二月勅魏府小菘豆稅每畝與減放三升城內
店宅園圃比來無稅頃因偽命遂有配徵後來元將
所徵物色添助軍人衣賜將令通濟宜示矜蠲今據
繁慢去處於見輸稅絲上每兩作三等酌量納錢貴
與充本廻圖收市軍人衣賜其絲永與除放

閏十二月吏部尚書李琪上疏請兩稅不以折納爲
事不以紐配爲名止以正稅加納勅本朝徵科唯有
兩稅至于折紐比不施爲宜依李琪所論應逐稅合
納錢物斛斗及鹽錢等宜令租庸司指揮並准元徵
本色輸納不得更改若有移改須具事由聞奏請下
中書明下商量別候勅旨

明宗初爲監國下教今年夏苗委人戶自供通頃畝
五家爲保本州具帳送省州縣不得差人簡括如人
戶隱欺許人陳告其田倍徵其百姓合散蠶鹽每年
抵二月內一度俵散依夏稅限納錢夏秋苗畝稅子
除元徵石斗及地頭錢餘外不得紐

天成元年四月勅應納夏秋稅先有省耗每斗一升

疋段錢鞋權翹錢等取六月二十日起徵至九月納足

三月勅天下州府受納稗草每束納一文足陌每一百束納紐子四莖充積草供使棘針一莖充擗塲院其草并柴蒿一束只納一束其細絹施布綾羅每疋納錢一十文足陌絲綿紬線麻布等每一十兩納耗半兩麻鞋每量納錢一文足陌見錢每貫納錢七文陌省庫受納諸處上供錢物元條流見錢每貫納二文足陌絲綿紬線子每一百兩納耗一兩其諸色疋段並無加耗此後並須依上件則例受納

二年閏五月勅今後諸州府所納稗草每二十束別納加耗一束充塲司耗折其每束上舊納盤纏錢一文仰官典同供繫署一一分明上曆至納遣了絕已來公使不得輒將出外分張破使

六月詔曰務穡勸分前賢之令範哀多益寡往聖之格言比者諸道賦稅一定數額廣種不編於帳案頻通恐撓于鄉村如聞不逮之家困於輸納爰議有餘之戶共與均攤貴表一時之恩不作嘗年之例宜委諸道觀察使於屬縣每村定有力戶一人充村長於村人議有力人戶出剩田苗補下貧不迨頃畝自肯

者卽具狀徵收有詞者卽排段簡括便自今年起爲定額

三年三月三司使奏諸道上供稅物充兵士衣賜不足其天下兩稅所納斛斗及錢除支贍外請依時估折納綾羅綿絹從之

末帝清泰三年鎮州董溫琪以旱苗不迨舊籍欲於諸縣均攤從之

晉高祖天福元年閏十一月勅應諸道州府所徵百姓正稅斛斗錢帛等除關係省司文帳外所在州府竝不得裏私增添紐配租物

三年十一月晉昌軍節度使李周奏發長安縣主簿李翊齋表到闕以境內人戶群集藟苗不得欲只於見苗上增添可之

四年二月詔曰朕自臨區夏每念蒸黎嘗夜思而晝行冀時康而俗阜其如干戈乍息瘡痍猶多由是疚懷不能安席復又車徒甚衆廩藏方虛雖賦租未暇於矜蠲而煩擾當行于禁止俾除暴斂式洽群心應郡守藩侯不得擅加賦役及縣邑別立監徵所納田租委人戶自量自槩

七年十一月禮部郎中李爲光上封事爲諸州府倉

場逐年所納百姓秋夏租加耗頗多乞行條理庶得遠近舒蘇勅曰朕自居藩邸每務躬親稟先帝之聖謨見萬方之庶政洎登宸極思致時康屬蝗旱爲災耕桑失業顧惟寡昧深軫焦勞舉一食思稼穡之艱難行一事期黎民之蘇息爲先清朝名士朱邱舊僚深窮蠹政之源備得養民之本况藩侯郡牧察俗觀風必能副冲人委仗之心駐疲俗逋逃之足明行條制俾絕侵漁使稅額無虧戶口獲濟斯爲急務要在頒行便可散下諸州嚴誡王者盡令遵守無致因循徧繫惠養之功共致昇平之運仍付所司

周太祖廣順元年七月勅秋夏徵賦素有嘗規苟或催督及時官吏奉法自然辦及不至愆期前後所行條流頗甚苛細殊虧大體且類空言宜有改更以示懲勸起今後秋夏徵賦者限滿後十分係欠三分者縣令主簿罰一百直勒停錄事參軍本曹官罰七十直殿兩選孔目官罰七十直降職次本孔目勾押官典決停本判官罰七十直若係欠三分已上奏取進止係欠三分已下者等第科斷殿罰其州縣徵科節級所由委本州重行決責其本判官錄事參軍本曹官孔目勾押官典取一州都徵上比較縣令主簿卽

本縣都徵上比較分數州縣官吏等各處員寮司分
寄任所徵賦稅乃是職司苟或慢公何以食祿將勸
能吏仍立賞科應諸州縣令錄佐官在任徵科依省
限了絕者至參選日若是四選已上者減一選若不
及四選者則與轉官其已前所行賞罰條流一切不
行

二年二月宣徽院言維京留司奏莊宅等六司夏秋
稅額項畝地上園林亭殿房室水禮什物係籍者莊
宅司諸巡元額定夏秋稅定是百姓係稅戶千三百
五十七內侍省諸巡戶四百六十三宮苑司三巡戶

二百九十七內園兩巡戶三百二十七並屬諸縣界
廣德宮并苑昇平宮等勅莊宅司內侍省宮苑司內
園等四司所管諸巡係稅人戶宜據逐縣界分割並
還本縣管屬依例賦稅巡司所置節級所由名目並
停廢其諸司所有行從諸莊及園林亭殿房舍什物
課利等仍令逐司依舊收管廣德昇平二宮並廢宮
額隸莊宅司管係

十一月勅累朝已來用兵不息至於繕治甲冑未免
配斂生靈取乃民資助成軍器就中皮革尤峻科刑
稍犯嚴條皆抵極典鄉縣以之生事奸滑得以侵漁

宜立新規用革前弊應天下所納牛皮今將逐年所納數三分內減放二分其一分於人戶苗畝上配定每秋夏苗共十頃納連角牛皮一張其黃牛納乾筋四兩水牛半斤犢子不在納限其皮人戶自詣本州送納所司不得邀難所有牛馬騾皮筋角今後官中更不禁斷並許私家供使買賣只不得將出化外敵境仍仰關津界首仔細覺察捕捉所犯人必加深罪其州縣先置巡簡牛皮節級及朝廷先降條法一切停廢其合分孽納黃牛水牛皮筋處其間有未盡事件委所司取便處分庶免編民犯禁且使人戶資家

既便公私用除苛弊

三年正月勅青州在城及諸縣鎮鄉村人戶等朕臨御已來安民是切務除疾苦俾遂蘇舒據知州閣門使張凝近奏陳八事於人不便積久相承宜降指揮竝從改正其一屬州管田後槽兩務所晉課利斛斗錢物人戶牛具屯官等宜竝割屬州縣官舊額稅課其務及職員竝廢其課額內有紅花紫草菜淀麻等據時估納錢折絲絹亦不得其係官桑土牛具什物竝賜見佃人爲永業其城郭內宅舍房廡奏取進止其秋夏納稅疋段不成端疋者許人戶合端疋不得

以零尺納錢其疋並須本色不得邀納價錢改換色
目如省司品配不在此限其二省司元納夏秋稅疋
版每疋納十錢每貫七錢絲綿細線每十兩納耗半
兩糧食每石耗一斗八錢蒿草每十束耗一束錢五
分鞋每兩一錢此外別無配率今後青州所管州縣
並依省司則例供輸如違罪無輕恕其三劉銖在任
時於苗畝上每畝徵車腳錢每頃配柴炭今後並止
絕其四州司每年配和買稗草及苦營草今後並止
絕如有關三司指揮及五所徵食鹽錢每貫別納腳
錢今後止絕其六別徵進奏院糧課錢及通鋪錢鞋

分配縣鎮今後並止絕要即於州司公用錢內支遣
其七州司配徵啖馬藥及泥配藥又縣鎮科配石炭
紅花紫草今後並止絕不得配率又州司于夏苗上
配納麥麩今後據州合用多少量于近縣配納不得
遍據諸縣其八舊例州縣供納夏秋租稅皆畢頃追
人吏到州勘會此後止絕稅無欠少不得追集縣吏
已前事件已降宣命處分其屬郡淄登萊等州如有
前項舊弊亦依青州例施行

是月昭義言諸縣欠去年秋稅乞折納錢絹從之
世宗顯德三年十月勅曰齊州管內元于秋苗上俵

配蠶鹽謂之察頭鹽每一石徵錢三千文苗畝雖減於舊時鹽數不侈於往日且聞黎庶頗亦艱辛其滄棣濱淄青五州管內所請蠶鹽每一石徵絹一疋地里相接苦樂頓殊輸輕者量與增添賦重者時宜蠲減庶無偏黨用示均平其齊州所納鹽價錢特與減放一半只徵一千五百文其滄棣濱淄青等州每鹽一石舊徵絹一疋起來年後加一疋

是月宣三司指揮諸道州府今後夏稅以六月一日起徵秋稅以十月一日起徵永為定制

五年十月命左散騎常侍艾穎等三十四人使于諸

州簡定民租

六年春諸道使臣廻總計簡到戶二百三十萬九千八百一十二定墾田一百八萬五千八百三十四頃淮南郡縣不在此數

舍者賢者能者豫之傳亦載楚左司馬沈尹戌師都君子與玉馬之屬以濟師此又在都邑之士有復除者也其後或王者之里行幸所過給軍之勞苦疾疫之災及吏民之產子孝弟力田者有時蠲之晁錯所謂德澤加于萬民民愈勤農民不困乏天下安寧歲熟且美則民大富樂矣愛人之道斯為最焉秦始皇三十五年徙三萬家驪邑五萬家靈陽皆復不事十歲

漢高祖二年詔曰蜀漢民給軍事勞苦復勿租稅二歲復者除其賦役也關中卒從軍者復加一歲

五年詔曰諸侯子在關中者復之十二歲其歸者半之非士大夫已下皆復其身及戶勿事不輸戶賦也復其身及一

戶之田皆不徭賦也

七年春令民產子復勿事二歲勿事不復使也

八年三月令吏卒從軍至平城及守城邑者皆復終身勿事

十一年四月令豐人徙關中者皆復終身

六月令士卒從入蜀漢關中者皆復終身

十二年十月高帝破淮南王布還過沛置酒沛宮帝擊筑歌大風之詩慷慨傷懷泣數行下謂沛父兄

曰遊子悲故鄉吾雖都關中萬歲之後吾魂魄猶思
沛且朕自沛公以誅暴逆遂有天下其以沛為朕湯
沐邑其民世世無有所與沛父兄曰沛幸復豐未得
唯陛下哀矜乃弁復豐

惠帝元年五月詔曰吏所以治民也能盡其治則民
賴之故重其祿所以為民也今吏六百石以上父母
妻子與同居及故吏當佩將軍都尉印將兵及佩二
千石官印者家唯給軍賦他無有所與

四年正月舉民孝弟力田者復其身

文帝時晁錯奏言陛下幸使天下入粟塞下拜爵甚

大惠也切恐塞卒之食不足用大漂天下粟邊食足

以支五歲可令入粟郡縣矣

入諸郡縣以解凶災也

是支一歲

已上時可赦勿收農民租如此德澤加于萬民民愈

勤農時有軍役遭水旱民不困乏天下安寧歲熟且

美則民大富樂矣帝復從其言乃下詔賜民十二年

租稅之半

二年正月詔貸種食未入入未備者皆赦之

種者立谷之種

也食者所以為糧食

九月詔口農天下之大本也民所恃以生也而民或

不務本而事末故生不遂

衣食絕致有夭喪故不遂其生

朕憂其然

故今茲親率農以勸之其賜天下民今年田租之半
二年五月帝幸太原復晉陽中都民三歲租

十三年六月詔曰農天下之本務莫大焉今瘞身從

事瘞古勤字而有租稅之賦是謂本末者無以異也本農也末

租賈也言農與賈俱出租無異也故除田租其于勸農之道未備其除田之

租稅

武帝建元元年二月赦天下賜民爵一級年八十復

二算九十復田卒二算復二口之算也復田卒不豫車馬之賦也

元封四年十月行幸雍通回中道北出蕭關歷獨鹿

鳴澤自代還賜安定高平縣朝那縣涿郡道縣三縣

及楊氏皆毋出今年租稅

楊氏河東聚邑名

天漢三年三月行幸大山還幸北地詔行所過毋出

田租

昭帝始元二年秋八月詔曰往年災害多今年蠶麥

傷所賑貸種食勿收責毋令民出今年田租

元鳳三年詔曰廼者民被水災頗匱於食朕虛倉廩

使使者賑困乏其止四年毋漕

三年以前所賑貸非丞相御史所請邊郡受牛者勿

收責武帝始開三邊徙民屯田皆與犂牛後丞責御史間有所請後使後勅自上所賜與勿收相丞

相所請乃令其催稅耳

宣帝本始三年五月大旱郡國傷旱甚者民勿出租賦三輔民就賤者且毋收事盡四年收謂租賦事謂後使盡本始四

年而止四年四月郡國地震或山摧詔被地震壞敗甚者勿收稅賦

元康二年五月詔曰今天下頗被疾疫之災朕甚愍之其令郡國被災甚者毋出今年租賦

四年詔復平陽侯曹參玄孫之孫杜陵公乘喜家諸家皆世世無所與傳傳同產子

元帝初元元年三月行幸河東祠后土行所過毋出

租賦

四月詔曰關東今年穀不登民多困乏其令郡國被災害甚者毋出租賦

永光元年正月行幸甘泉郊泰畤行所過毋出租賦成帝建始元年十二月詔郡國被災什四已上毋收

田租

三年三月赦諸逋租賦所賑貸勿收

河平四年正月赦天下諸逋稅賦勿收

鴻嘉元年二月詔逋貸未入者勿收

四年春正月詔曰數勅有司務行寬大而禁苛暴迄

今不改一人有辜舉宗拘繫農夫失業怨恨者眾傷
害和氣水旱為災關東流冗者眾冗散失其事業也青幽冀

部尤據朕甚痛焉未聞在位有惻然者孰當助朕憂

之已遣使者循行郡國被災害什四以上民貲不備

三萬勿出租賦逋貨未入皆勿收流民欲入關輒籍

內錄其名籍而內之所之郡國謹遇以禮務有全活之恩稱

朕意

永始四年三月幸河東祠后土行所過無出田租

哀帝綏和三年秋詔河南潁川郡大水流殺人民壞

廬舍其令水所傷縣邑及他郡國灾害什四已上民

貲不備十萬皆無出今年租賦

平帝元始元年六月復貞婦鄉一人

每鄉一人取其尤最者

後漢光武建武五年十二月復濟陽二年徭役

洛陽縣故

城在今曹州宛句縣西南光武考南頓君初為濟陽令以哀帝建平六年帝生于濟陽宮故復

六年正月改春陵鄉為章陵縣世世復徭役比豐沛

無有所豫

高祖豐沛邑人故世世給復光武春陵人故比之

十九年九月光武南巡狩幸南陽進幸汝南南頓縣

舍置酒會賜吏人復南頓田租歲父老前叩頭言皇

考居此日久陛下識知寺舍

寺司也官府所止皆曰寺

每來輒加

厚恩願賜復十年帝曰天下重器嘗恐不任日復一

日安敢期十歲乎吏人又言陛下實惜之何言謙也
帝大笑復增一歲二十年復濟陽縣徭役六歲

二十二年九月戊辰地震制誥曰日者地震南陽尤
甚其口賦逋稅而廬宅尤破壞者無收責

漢律百口至五十六十出賦錢人一百二十為一算又七歲至十四出口錢人二十以供天子至武帝時又加三錢以補軍騎馬道稅謂欠田租也

三十年七月幸魯國復濟陽縣是年徭役

中元元年二月封泰山四月大赦天下復羸博梁父

奉高四縣屬秦州郡勿出今年田租芻藁

十一月復濟陽南頓是年徭役

明帝中元二年二月即位九月赦隴西勿收今年租

調又所發天水三千人亦復是歲更賦更謂戊卒更州代也賦謂

僱更之錢也更有三品有卒更有錢更有過更古正卒無嘗人皆當迭為之有一月一更是為卒更貧者欲得僱更錢次直者出錢僱之月二千是為錢更古者天下人皆當戍邊三日亦名為更不可人人自行三日戍當行者不可往也即選因任一歲次直者出錢三百僱之謂之過更

永平五年十月行幸鄴與趙王栩會鄴嘗山二老言於帝曰上生於元氏願蒙優復詔曰豐沛濟陽受命

所由加恩報德適其宜也今永平之政百姓怨結而吏人求復令人愧笑重逆此縣之拳拳其復元氏縣

田租更賦六歲勞賜縣椽吏及門闈走卒五百鈴下待閣門闈

部置街里走卒皆有程品多少隨所典令

九年三月詔郡國死罪囚減罪與妻子詣五原胡亥占着所在死者皆賜妻父若男同產一人復終身其妻無父兄獨有母者賜其母錢六萬又復其口算

和帝永元四年十二月詔今年郡國秋稼為旱蝗所傷其什四已上勿收田租芻藁有不滿者以實除

所損什不滿二者以見損除也

六年三月庚寅詔流民欲就賤還歸者復一歲田租更賦

九年六月蝗旱詔今年秋稼為蝗虫所傷皆勿受租

更芻藁若有所損失以實除之餘當收租者亦半入

十三年九月壬子詔曰荊州比歲不節今此淫水為

害平地出水為淫水

餘雖頗登而多不均浹深惟四民農食

之本慘然懷矜其令天下半入今年田租芻藁有宐以實除者如故事貧民假種食皆勿收責

十四年七月甲寅詔復象林縣更賦田租芻藁二歲

十月甲申詔兗豫州今年水雨淫過多傷農功其令

被害什四已上皆半入田租芻藁其不滿者以實除

之

十六年七月辛巳詔令天下皆半入今年田租芻藁

其被災害者以實除之及田租芻藁皆勿收責

安帝永初四年正月丁卯詔以三輔比遭寇亂人庶

流冗除二年逋租過更口算芻藁

七年八月詔郡國被災傷稼十五已上勿收今年田

租不滿者以實除之

元初元年十月乙卯詔除三輔三歲田租更賦口算

建光元年十一月詔今年田租其被災甚者勿收口

賦丙午詔京師及郡國被水雨傷稼者隨頃畝減田

租

延光元年京師及郡國二十七雨水大風殺人詔田

被淹傷者一切勿收田租

三年三月東巡狩祠南頓君光武皇帝于濟陽復濟

陽今年田租芻藁

四年六月少帝北鄉侯詔先帝巡狩所幸皆半入今

年田租

順帝永建元年十月甲辰詔以疫癘水潦令入半輸

今年田租傷害什四已上勿收責不滿者以實除之

三年正月丙子漢陽地陷裂乙未詔勿收漢陽今年

田租口賦

五年四月辛巳詔郡國貧人被災者勿收責今年過

更

六年十一月辛亥詔曰連年災潦冀部尤甚比蠲除傷實贍恤窮匱而百姓猶有棄業流亡不絕疑郡國用心怠惰恩澤不宣易美損上益下書稱安民則惠令其冀部勿收今年田租芻藁

陽嘉元年三月大赦廩冀州尤貧民勿收今年更租口賦

永和三年二月乙亥京師及金城隴西地震二郡山崩摧地陷戊戌遣光祿大夫按行金城隴西賜壓死者除今年田租尤甚者勿收口賦

四年八月大原郡旱民流冗癸丑遣光祿大夫按行除更賦

桓帝建和元年正月戊午大赦灾害所傷什四已上勿收田租其不滿者以實除之

永壽元年六月詔泰山瑯琊遇賊者勿收田租復更算三年

延熹九年正月詔曰比歲不登人多饑窮又有水旱疾疫之困盜賊徵發南州尤甚災異日食譴告累至亂政在予仍獲咎徵其令大司農絕今歲調度徵求及前年所調未畢者勿復收責其災旱盜賊之郡勿

牧餘郡悉半入

永康元年復博陵河間二郡比豐沛

河間桓帝祖所封博陵桓帝父

蠡吾侯真陵在此

靈帝熹平四年四月郡國七大水六月弘農三輔螟

令郡國遇災者減田租之半其傷害什四已上勿收

責

光和六年二月復長陵縣比豐沛

高祖陵名長陵也

獻帝建安二十四年十一月孫權定荊州盡除荊州

民租稅

魏文帝以漢延康元年七月甲午南征至譙令曰先

王皆樂其所生禮不忘其本譙霸王之邦真人本出其復譙租稅二年

黃初二年正月壬午復潁川郡一年田租詔曰潁川

先帝所由起兵征伐也官渡之後四方瓦解遠近顧

望而此郡守義丁壯荷戈老弱負糧者漢祖以秦中

為國本光武恃河內為王基今朕復於此登壇受禪

其以此郡翼成大魏

明帝青龍元年正月甲申青龍見郊之摩陂井中二

月改元改摩陂為龍陂鰥寡孤獨無出今年租賦

陳畱王景元四年十二月以蜀劉禪降癸丑特赦益

州士民復除租賦之半

咸熙元年十月詔勸募蜀人能內移者給廩二年復除二十歲

吳大帝嘉禾三年正月詔曰兵久不輟民困於後歲或不登其寬諸逋勿復督課

晉武帝泰始元年十二月卽位大赦復天下租賦及關市稅一年

六年七月丁酉復隴右五郡遇寇害者租賦

七年閏五月詔交趾三郡南中諸郡無出今年戶調

八年六月丙申詔復隴右四郡遇寇害者租賦

咸寧元年二月以將士應已娶者多家有五女者給復

太康元年五月詔吳將吏渡江復十年百姓及百工復二十年十月除五女復

三年十二月丙申詔四方水旱甚者無出田租

四年七月丙寅兖州大水復其田租

五年七月減天下戶課三分之一

六年正月庚申朔以比歲不登免租貸宿負八月減百姓綿絹三分之一

惠帝永平元年五月壬午除天下戶調綿絹

成帝咸和四年七月詔復遭賊郡縣租稅三年
咸康二年三月旱詔免所旱郡縣徭役

六年十一月癸卯復琅瑯比漢豐沛

琅瑯元帝本封

孝武寧建二年四月壬戌詔吳義興晉陵及會稽遭水之縣尤甚者全除一年租布其次聽除半年

大元四年正月辛酉大赦郡縣遭水旱者減租稅

五年五月以比歲荒儉大赦自大元三年以前逋租

宿債皆蠲除之

宋高祖永初元年八月戊辰詔曰彭沛下邳三郡首事所基情義繼絕事由情獎今昔所同彭城桑梓本

鄉加隆攸在優復之制宜同豐沛彭沛下邳可復租布三十年

文帝元嘉元年八月丁酉卽位大赦天下逋租宿債勿復收已酉詔減荆湘三州今年租布之半

四年三月行幸丹徒謁京陵詔曰丹徒桑梓綢繆大業攸始踐境永懷觸感罔極昔漢章南巡加恩元氏

况情義二三有兼曩日思播遺澤酬慰士民其蠲此縣今年租

十七年十一月丁亥詔曰前所給楊南徐二州百姓田糧種子兗兩豫青徐諸州比年所寬租穀應督入

者悉除半今年有不收處都原之凡諸逋債優量申
減又州郡估稅所在市調多有煩刻山澤之利猶或
禁斷役召之品遂及稚弱諸如此比傷治害民自今
咸依法令務盡優允如有不便卽依事別言不得苟
趣一時以乖隱卹之旨主者明加宣下稱朕意焉
二十四年正月甲戌大赦蠲建康秣陵二縣今年田
租之半

二十六年三月丁巳以行幸丹徒謁京陵詔復丹徒
縣僑舊今歲租布之半行所經縣蠲田租半年乙丑
申南北沛下邳三郡復

二十八年魏人自盱眙奔走癸酉詔曰嚴狃孔熾難
及數州睠言念之鑒寐興悼凶羯瘕挫逢跡遠奔彫
傷之民宐時振理凡遭寇賊郡縣令還復居業封屍
掩骼贍賑饑流東作方始務盡勸課貸給之宐事從
優厚其流寓江淮者竝聽節屬并蠲復調稅

孝武帝以元嘉三十年五月甲戌卽位甲午曲赦京
邑三百里內并蠲今年租稅新亭戰亡者復同京城
蠲尋陽西陽郡租布三年
孝建元年七月丙辰大赦逋租宿債勿復收曲赦京
邑三百里

三年制荆徐兗豫雍青冀七州統內家有馬一疋者蠲復一丁

大明三年二月荆州饑三月申原田租布各有差

四月竟陵王誕反於廣陵車駕出頓宣武堂

七月己巳斬誕辛未大赦王畿下貧乏家近行頓所由並蠲租一年

四年正月乙亥躬耕籍田大赦原除逋租宿債

五年二月癸巳詔伐蠻之家蠲租虎之半

六年四月庚申詔原除南兗州大明三年已前逋租

八月癸亥詔原除大明四年已前逋租

七年二月甲寅巡南豫南兗二州丙辰赦令行幸所

無出今歲租布其逋稅餘債勿復收蠲歷陽郡租輸

三年

十二月丙午行幸歷陽郡甲寅大赦蠲郡租十年

前廢帝以大明八年閏五月庚申即位十月庚辰詔

原除楊南徐州大明七年租

景和元年八月丙辰原除吳興義興晉陵琅琊五郡

大明八年已前逋租

明帝泰始二年十一月丙申制東土經荒流散並各

還本蠲衆調

四年四月己卯詔減郡縣田租之半

後廢帝元徽二年五月壬子江州刺史桂陽王休範

反齊王蕭道成等討平之戊戌原除江州逋債其有

課非嘗調役為民蠹者悉皆蠲停

三年四月遣尚書郎到諸州檢括民戶窮老尤貧者

蠲除課調丁壯猶有生業隨宜寬申貲財足以充限

者督令結畢

四年七月戊子南徐州刺史建平王景素據京師反

討平之丙申原京邑二縣元年已前逋租

順帝昇平元年七月雍州大水八月壬子遣使賑卹

蠲除稅調丁亦原除元年已前逋調復郡縣祿田

二年二月戊子蠲雍州綠汚居民前被水災者租布

南齊高帝建元三年七月丁巳詔南蘭陵桑梓本郡

長蠲租布武進王業所基復十年又詔二年吳義興

二郡遭水減今年田租

二年二月甲午詔江西北民遭難流徙者制遣還本

蠲今年租稅

十月原建元已前逋租

三年六月大赦逋租宿債除減有差

四年二月詔元年已前逋債皆原除

武帝以建元四年三月壬戌卽位癸酉詔曰城直之制城直言取財直以修城也歷代宜同頃歲逋弛遂以萬計雖在憲宐徵而原心可亮積年逋城可悉原蕩自茲以後申舊科有違糾裁

六月壬辰詔曰吳興義興遭水蠲除租調

永明元年三月癸丑詔逋負督賊建元四年三月已前皆特除

四年閏正月辛亥躬耕籍田詔曰諸逋負在三年已前尤窮弊者一皆蠲除

五年七月戊申詔曰丹陽屬縣建元四年已來至永明三年所逋租殊為不少京甸之內宐加優貸其中非貧者可悉原停

八月乙亥詔今夏雨水吳興義興二郡田農多傷詳蠲租調丙午詔尤貧之家可蠲三調二年

六年閏十月乙卯詔曰北兗北徐豫司雍青冀八州邊接疆場民多懸罄原永明以前所逋租調

七年正月戊申詔曰雍州頻歲戎役兼水旱為弊原四年已前逋租

八年七月癸丑詔曰司雍二州比歲不稔雍州八年已前司州七年已前逋租悉原汝南一郡復限更申

五年十月原建元以前逋租

九年八月吳興義興大水乙卯蠲二郡租

十年正月戊午詔諸責負衆逋七年已前悉原除高
貲不在此例

十一年七月詔曰水旱爲災實傷農稼江淮之間倉
廩旣虛遂草竊充斥互相侵奪依阻山湖成此逋逃
曲赦南北兗豫司徐五州南豫州之歷陽譙臨江廬
江四郡三調衆逋宿債竝同原除其緣淮及青冀新
附僑民復除已訖更申五年

鬱林王以永明十一年七月戊寅卽位癸未凡逋三

調及衆責在今七月二十日前悉同蠲除

明帝建武元年十月癸亥卽位詔逋租宿債換負官
物在建武元年以前悉原除之

二年三月戊申詔南徐州僑舊民丁多充戎旅蠲今
年三課已未詔雍豫司南兗徐五州遇寇之家悉停
今年租調丙寅停青州麥租

十二月丁酉詔吳晉陵二郡失稔之鄉蠲三調有差
四年正月庚午詔曰民產子者蠲其父母調役一年
新婚者蠲夫役一年

永泰元年正月癸未朔大赦逋租宿債在四年之前

皆悉原除三月丙午蠲雍州遇魏軍之縣租布
東昏侯永元元年六月甲子詔原雍州刺史今年三
調

八月乙巳蠲京邑遇水資財漂蕩者今年調稅
和帝中興元年三月乙巳卽位于江陵四月戊辰詔
曰荆雍義舉所基實始王迹君子勞心細人盡力宜
加酬獎副其乃誠凡東討衆軍及諸嚮義之衆可普
復除

梁高祖天監元年四月丙寅卽位赦逋布口錢宿債
勿復收是歲復南蘭陵武進縣依前代之科
蘭陵帝所生地

二年六月丁亥詔以東陽信安豐安三縣水潦漂損
居民資業遣使周履量蠲課調

十年六月辛酉復建修二陵週迴五里內居民
十六年正月辛未親祠南郊詔尤貧之家勿收今年

三調

普通元年正月乙亥朔大赦尤貧之家勿收常調

二年正月辛巳親祠南郊詔尤貧之家勿收租賦

六年三月丙午賜新附民長復除

大通元年春正月辛未詔曰欽奉時事虔薦蒼壁思
承天德惠此下民凡因事去土流移他境者竝聽復

宅業蠲役五年尤貧之家勿收三調

大同元年十一月癸亥賜梁州歸附者復除長差

四年八月甲辰詔南兗北徐西徐東徐青冀南北青
武仁僮睢等一十二州既經饑饉曲赦逋租宿債勿
收今年三調

七年正月辛巳親祠南郊赦天下其有流移及失桑
梓者各還田宅蠲課五年

十一月丁丑詔曰民之多幸國之不幸恩澤屢加彌
長奸盜朕亦知此之爲病矣如不優弘非仁人之心
凡厥讐耗逋負起今七年十一月九日昧爽已前在

民間無問多少言上尚書督所未入者皆赦除之

十年三月甲午幸蘭陵詣建陵至脩陵壬寅詔所經
縣邑竝無出今年租賦監所債民蠲復二年

九月巳丑詔其有因饑逐食離鄉去土悉聽復業蠲
課五年

中大司元年三月乙巳赦其或爲事逃叛流移困饑
亡鄉失土可聽復業蠲課五年停其徭役其被拘之
身各還本郡舊業若在皆悉還之

太清元年正月辛酉親祠南郊大赦天下尤窮者無
出卽年租流移他鄉聽復宅業蠲課五年

元帝承聖二年二月庚午詔曰食乃民天農爲治本垂之千載貽諸百王莫不敬授民時躬耕帝籍是以稼穡爲寶周頌嘉其樂章禾麥不成魯史書其方冊秦人有耕力之科漢氏開屯田之利頃歲屯否多難薦臻干戈不戢我則未暇廣田之令無聞於郡國載師之職有陋于官方今元惡殄滅海內方一其庇黔首庶拯橫流一廛曠務勞心日昃一夫廢業舄鹵無遺國富刑清家給民足其力田之身在所蠲免外卽宣勒稱朕意焉

陳高祖永定元年十一月乙亥卽位大赦天下逋租宿債皆復勿收

二年十月甲寅太極殿成匠各給復
文帝天嘉元年二月乙亥詔曰日者凶渠肆虐衆軍進討舟艦輸積推債民丁師出經時役勞日久今氛被廓清宐有甄被可蠲復丁身夫妻三年于役不幸者復其妻子
宣帝大建元年秋七月甲申詔曰懷遠以德抑惟嘗典夫戎卽華民之本志頃年江介繼負相隨崎嶇歸化亭候不絕宐加卹養答其誠心經是荒境自拔有在都邑及諸州鎮不問遠近並蠲課役

四年八月乙未詔停督湘江州道租無錫等十五縣
流民竝蠲其徭賦

閏十月辛未詔曰姑熟饒曠荊州河漸擬博望關畿
天限巖峻龍山南指牛渚北臨對熊繹之餘城迎全
琮之故壘良疇美拓畦畎相望連宇高薨阡陌如繡
自梁永兵災彫殘略盡比雖務優寬猶未克復咫尺
封畿宜須殷阜且衆將部下多寄上下軍民雜俗極
爲蠹耗自今有罷任之徒許分留部下其已在江外
亦悉迎還任南州津裏安置有無交貨不責市估萊
荒墾闢亦停租稅臺遣鎮監一人共刺史津主分司
檢押出地賦田各立頓舍

六年三月癸亥詔曰去歲南川頗言失稔所督田租
中今未卽豫章等六部大建五年田租可由半至秋
豫章又逋大建四年檢首田租亦申至秋有康一嶺
下應接民間尤弊大建四年田租未入者可特原除
庶修墾無廢歲取萬貫

十一月乙亥詔北討行軍之所竝給復十年
八年二月丁丑詔江東道大建五年已前租稅夏調
逋在民間者皆原除之

九年五月丙子詔曰朕昧旦求衣日旰方食思弘億

北用臻俾久而牧守蒞民廉平未洽嘗年租賦多置
 逋餘卽此務豐宜弘寬省可起大建已來訖八年流
 移叛戶所帶租調七年八年叛軍丁六年七年逋租
 田米粟夏調綿絹絲布帛等五年訖七年通貲緡皆
 悉原之

十二年十一月己丑詔以亢旱傷農畿內爲甚其丹
 陽等十郡并諸署卽年田稅祿秩並令原半其丁租
 申至來年秋登

後主至德二年十月己酉詔曰耕并自足乃曰淳風
 貢賦之興其來尚矣蓋由瘦極務不獲已而行焉但

法令滋章奸盜多有俗尚澆詐政鮮惟良朕日旰夜
 分矜一物之失所泣辜罪已愧三千之未措望訂初
 下使族蔭兼出如聞貧富均起單弱重弊斯豈振窮
 扇暘之意與是乃下吏箕斂之苛也故云百姓不足
 君孰與足自大建十四年望訂租調逋未入者並悉
 原除

餘具問位
戒屬門

禎明元年三月丁卯詔至德元年望訂租調逋未入
 者并皆原之

二年八月除州郡民租賦之半

上谷復田租之半七月還宮復所過田租之半

秦營二年十一月復州租稅

臣欽若等曰
史失州名

三年三月詔以范陽去年水復其租稅八月鴈門河
內大雨水復其租稅

四年四月南巡狩幸鴈門賜所過無出今年租賦五
月朔觀漁于壘水車駕還復一年租稅八月辛未東
巡甲申車駕還宮所過復一年田租

七年九月幸嶠十月車駕還宮復所過田租之半
太武初卽位南州大水百姓阻饑劉潔奏加哀矜帝
從之於是復天下一歲租賦

始光四年十二月行幸中山復所過田租之半

神龜三年十一月帝幸紐城赦秦雍之民賜復七年
四年二月平赫連定還宮戰士賜復十年

延和三年二月詔曰朕承統之始群凶縱逸四方未
賁所在逆僭蠕蠕陸梁於漠北鐵佛肆虐於三秦是
以肝食忘寢抵掌扼腕期在掃清逋殘寧濟萬寓故
頻年屢征有事西北連輸之後百姓勤勞廢失農業
遭罹水旱致使生民貧富不均未得家給人足或有
寒窮不能自贍者朕甚愍焉今四方順軌兵革漸寧
空寬徭賦與民休息其令州郡縣隱括貧富以爲三

級其富者租賦如常中者復二年下窮者復三年刺史守宰當務盡平不得阿容以罔政治明相宣約咸使聞知

大延三年二月行幸幽州還幸上谷遂至代所過復田租之半

太平貞君四年六月詔復人貲賦三年其田租歲輸如常牧守不得妄有徵發

文帝太安四年三月觀馬射於中山所過郡國賜復一年

和平四年十月以定相二州霄霜殺稼丐民田租

獻文以和平六年卽位詔曰夫賦斂煩則民財匱課調輕則用不足是以什一而稅頌聲作矣先朝權其輕重以惠百姓朕承洪業上惟祖宗之休命夙興待旦惟民之恤欲令天下同於逸豫而徭賦不息何以息煩去苛拯濟黎元者哉今兵革不起畜積有餘諸有雜調一以丐民

孝武延興二年十二月詔以代郡事同豐沛代民先配邊戍者皆免之

三年二月戊午太上皇帝至自北討詔死王事者復其家十一月詔以河南牧守多不奉法致新邦之民

莫能上達其有鰥寡孤獨貧不自存者復其雜徭年
八十已上一子不從役是歲州鎮十一水旱丐民田
租

四年州鎮十三大饑丐民田租

承明元年八月甲申以長安二蠶多死丐民稅之半
太和三年王獻爲吏部尚書見幸於文明太后詔與
東陽王丕同入八議並受復除

四年秋七月壬子改作東明觀詔會京師耆老復家
人不徭役

六年二月辛卯詔曰靈丘郡土旣偏瘠又諸州路衝

官司所經供費非一往年巡行見其勞瘁可復民租
調十五年乙未詔曰蕭道成逆亂江淮戎旗頻舉七
州之民旣有征運之勞深乖輕徭之義朕甚愍之其
復嘗調三年八月分遣大使巡行天下遭水之處丐
民租賦

七年春正月丁卯詔青齊兗東徐四州之民戶運倉
粟二十石送瑕丘瑯邪復租笮一年是年荀頽爲司
空河東王文明太后詔曰頽爲台鼎論道是寄歷奉
四朝庸績彌遠宐加崇異以彰厥功自茲已後可永
受復徐

十年十二月詔以汝南潁川大饑丐民田租

十一年五月詔復七廟子孫及外戚總服以上賦役

無所與

十七年六月帝將南伐詔充徐南豫陝岐東徐雒豫

七州軍糧

十八年十二月癸卯詔中外戒嚴戊申復優代遷之

戶租賦三歲辛亥車駕南伐齊丁丑詔緣路之民復

田租一歲

十九年四月丁未帝自南伐齊迴曲赦徐豫二州其

運曹之士復租賦三年辛亥以齊蕭氏民降者給復

十五年六月詔復軍事從駕渡淮者租賦二年乙卯

曲赦梁州復民田租三歲

二十二年二月帝南伐齊至新野詔以穰民首歸大

順終始若一者給復三十年標其所居曰歸義鄉次

降者給復十五年三月詔以荊州諸郡民初降次附

復同穰十月帝北伐叛虜發縣瓠曲赦二豫復民田

租一歲

宣武景明二年三月詔曰比年以來連有軍旅後務

既多百姓彫弊宜時矜量以拯民瘼正調之外諸妨

害損民一時蠲罷九月免壽春營戶為揚州民

正始元年九月詔諸州蠲停徭役不得橫有徵發
四年十二月詔兵士鍾離沒落者復一房田租三年
延昌二年十月詔以鎮泗地震民多死傷蠲兩河一
年租稅

十二月丐雒陽河陰二縣租賦

孝明熙平元年七月詔兵士征碭石者復租賦一年
二年五月詔曰揚州碭石荆山新淮鄴城兵士戰沒
者追給斂財復一房五年若無妻復其家一人二年
孝昌元年九月乙卯詔減天下租調之半
孝莊建義元年四月復天下租役三年

出帝太昌元年四月齊獻武王上言建義之家往爲
爾朱氏籍沒者悉皆蠲免帝以世易復除

東魏孝興靜和元年九月發畿內十萬人城鄴四十
日罷十月詔築城之夫給復一年

北齊神武爲東魏相國武定二年三月以冬春亢旱
請孝靜蠲縣責

文宣以魏武定八年五月受禪改元天保詔曰冀州
之渤海長樂二郡先帝始風之國義旗初起之地并
州之太原青州之齊郡霸業所在王命是基君子有
作貴不忘本思申恩洽蠲復田租齊郡渤海可並復

一年長樂後復二年太原復三年

天保八年自夏至九月河北六州河南十三州畿內

八郡大蝗詔今年遭蝗之處免租

九年七月詔趙燕瀛定南營五州及司州廣平清河

二郡去年冬澇損田兼春夏少雨苗租薄者免今年

租賦

武成河清三年十二月周將尉遲迥寇雒陽及段韶

大破尉遲迥等解雒陽圍丁卯帝至雒陽免雒州經

周軍處一年租賦

後 王天統三年九月太上皇帝

臣欽若曰武成以河清四年傳位稱太上

帝 詔諸寺署所縮雜保戶姓高者天保之初雖有優

效權假力用未免者今可悉蠲雜戶任屬縣一準平

人十一月以晉陽大明殿成大赦免并州唐城太原

一郡來年租賦

四年七月詔使巡省河北諸州無雨處境內偏旱者

優免租調

後周閔帝元年三月壬子詔曰浙州去歲不登厥民

饑饉朕用愍焉經行縣免一年租調九月辛未詔免

長城後者一年租賦

五年六月帝幸張掖御觀風行殿赦隴右諸郡給復

一年行經之所給復二年

八年四月赦詔以征遼凱旋其諸郡供軍事者並給復一年其所役丁夫匠至涿郡者復二年至臨榆關已西者復三年至柳城郡已西者復五年至通定鎮已西者復七年至度遼鎮者復十年遼左之民仍給復十年

九年正月大赦改博陵爲高陽郡給復一年

唐高祖武德元年五月卽位赦制義師所行之處給復三年自餘給復一年

三年九月詔步鼎熊穀四州給復二年

四年七月詔以平王世充竇建德其天下民庶給復一年幽州營內久隔寇戎給復二年
五年五月勅荊州遭蕭銑之亂百姓無出今年田租七年四月詔楊越之民新霑大化見在民戶給復一年

太宗以武德九年八月甲子卽位赦制關內蒲芮虞秦陝鼎六州免二年租自餘率土普給復二年九月遣雍州牧楊恭仁等分行突厥所掠之處損失家產及踐苗稼者皆復之

貞觀元年夏山東諸州大旱詔無出今年租賦

四年十月幸隴州詔岐隴二州戶民無出今年租賦
十一年正月乙卯復雍州人無出一年租賦

二月幸維揚宮三月詔免維州管內一年租賦

十二年二月幸長春宮以舊經鎮復朝邑縣無出今
年租賦降囚免徒

十三年正月朝於獻陵免其縣人一年租

十四年正月幸魏王泰宅免延康里百姓無出今年
租

武帝保定二年五月以南陽宛縣三足鳥所集免今
年役及租賦之半

德三年十二月詔荆襄安延夏五州德管內其貧

下戶給復三年

四年正月詔刺史守令宐親勸農逋租懸調兵役殘
功竝宐蠲免六月詔東南道西總管內自去年以來
新附之戶給復三年

宣帝以宣政元年六月卽位詔山東流民新復業者
及突厥侵掠家口破亡不能存濟者竝給復一年八
月於西郊詔長安萬年二縣民在京城者給復三年
大象二年詔江右諸州新附民給復二十年

隋文帝開皇六年辛卯以關內七州旱免其賦稅

九年以江表初定給復十年自餘諸州竝免當年租賦

十二年有司上言庫藏皆滿帝曰朕旣薄賦於人又大經賜用何得爾也對曰用處嘗出納處嘗入畧計每年賜用至數百萬段曾無減損於是乃更闢左藏之院構屋以受之下詔曰旣富而教方知廉恥寧積於人無藏府庫河北河東今年田租三分減一兵減半功調全免

十三年四月制戰亡之家給復一年

十八年七月詔以河南八州水免其課錢

煬帝卽位以戶口益多府庫盈溢乃除婦人及奴婢部曲之課

大歷元年七月制戰亡之家給復十年十月己丑赦

江淮已南揚州給復五年舊總管內給復三年

二年四月辛亥御端門大赦免天下今年租賦

三年四月甲申頒律令大赦天下關內給復三年

四年八月辛酉親賜恒岳河北道郡守畢集大赦天

下車駕所經郡縣免一年租調

上元二年正月勅雍岐同華隴等州給復一年自餘諸州咸亨年遭旱澇虫霜損免之家雖經豐稔家產

未復宜更免一年租

三年三月甲辰車駕自汝州温湯還東都詔免汝州田租之半

儀鳳三年十月詔以來年正月幸東都關內百姓宜免一年庸調及租并地子稅草其當道諸縣特免二年

永隆元年正月己亥詔雍岐華同四州六等以下戶宜免兩年地稅河南河北澇損戶嘗式蠲放之外特免一年調

二年八月丁卯朔河南河北大水詔百姓乏絕者任往江淮南就食仍遣使分道賑給之屋宇壞倒者給復一年

則天萬歲通天二年十月以定州北平義豐兩縣被契丹侵掠堅守不降改北平爲徇忠義豐爲立節其守城百姓並給復一年

長安四年四月則天幸興泰宮曲赦壽安縣百姓給復一年福昌伊闕二縣免今年租賦之半

中宗神龍元年正月卽位赦制諸州百姓免今年租賦七月制河南百姓被水漂損者給復一年

景龍三年十一月南郊禮畢大赦關中諸州無出今

年地稅是月幸溫湯新豐百姓給復一年帝又幸始平送金城公主出降吐蕃詔使平縣百姓給復一年四年正月金城公主出降吐蕃二月曲赦詔天下百姓免今年租半

玄宗開元二年十二月甲辰詔曰惟此新豐溫湯是出古之順豫義兼巡省頃者觀風數臨茲地以察寬滯詢于故老閭里歡康田疇墾闢况冬隆積雪春期有年且誦王遊果符時邁雖千乘萬騎咸給於主司而累月再來頗勤於除掃宜下復蠲之令慰其望幸之心新豐縣百姓免一年雜差科

五年二月行幸至東都制河南府百姓給復一年河南河北遭澇及蝗蟲無出今年租

八年二月詔曰朕臨御寰極永思政理黃屋成屈已之勞紫宸多在予之念嘗恐微物或失大道未臻私奉睿圖載深寅畏去年諸處竝多水旱歲儲不給生業靡安言念下人用增憂肝天下遭損州逋租懸調及勾徵特宜放免

十一年正月行幸北郡詔大原府境內百姓宜給復一年九等戶給復三年元從家給復五年其家籍見存終身免征役二月壬子祠后土于汾陰勅管壇一

鄉給復一年辛未鑾駕至京師其行過處緣頓及營幕所損百姓青苗並令本州檢勘以正倉酬直懷澤兩州已免地稅路州太原府亦有給復其汾晉蒲絳同華京兆河南供頓戶並宜免今年地稅鄭衛維相儀沁磁隰等州佐助夫雖則後日不多終是往還辛苦各免戶內今年差科

十三年正月詔曰元率地稅以置義倉本防險年賑給百姓頓年不稔逋租頗多言念貧人將何以濟今獻春布澤務叶時和自開元十二年閏十二月以前所有未納懸欠地稅宜放免十一月封泰山禮畢其

行幸州縣供頓劬勞百姓並免一年租賦兗州免二年租賦

十七年十一月謁橋陵詔天下百姓無出今年地稅之半如已徵物聽折來年逋租懸調在百姓腹內者一切放免京兆府供頓縣免今年地稅

十八年正月親迎氣於東郊禮畢制曰天下百姓今年地稅并諸色勾徵欠負等色在百姓腹內未納者並一切矜免

十九年十一月庚申幸東都壬子勅供頓州百姓及充夫匠及雜祇供人等宜放今年地稅自餘戶等免

今年地稅之半

二十年九月戊辰河南道宋滑兗鄆等州大水傷禾稼特放今年地稅十月幸北都曲赦太原給復三年十一月庚申祀后土畢大禮制天下遭損免州及供頓州無出今年地稅如已徵納聽折來年逋租懸調貸糧種子欠負官物在百姓腹內者並宜放免諸州自開元十七年已前所有貸糧種子欠負官物百姓腹內者亦宜准此孝子順孫義夫節婦終身勿事管壇一鄉百姓給復三年

二十一年五月以皇太子納妃詔長安萬年兩縣百姓及今月當番人等並免其家今年地稅

二十二年三月秦州地震廨宇廬舍陷壞壓殺四千餘人詔壓死家復一年一家二人已上死者給復二年十一月勅曰百姓屢空朕孰與足言念於此良所疚懷如聞京畿及關輔有損田百姓等屬頻年不稔久乏糧儲雖今歲薄收未免辛苦宜從蠲省勿用虛弊至如州縣不急之務差科徭役并積年欠負等一切並停其今年租八等已下特宜放免地稅受田一項已下者亦宜放免

二十三年正月乙亥籍田畢詔天下諸州貸糧種子

並宜放免京兆河南府通懸欠負亦宜放免天下色役及貢賦先令中書門下均融減省宜速與條奏六月戊子制鰥寡惸獨免今年地稅之半江淮南有遭水旱處委本道使賑給之

二十四年十月甲子自東都還京至陝州詔曰朕永懷西土陵寢在焉至自東都誠慰罔極兼茲巡省且無怨思後予之望多謝哲王飲至之規豈忘前典其供頓州應緣夫役差科竝免今年地稅

二十六年秋七月己巳册忠王璵爲皇太子大赦天下刑口至於磧西之人途路遙遠往復疲弊頗異諸

軍其中願長往者已別有處分訖年鎮向蒲應合放還未到之間稍立假其家內諸色差科竝宜放免如有營農不自辦者州縣量事助借各使存濟京畿近輔百姓所出雖庶務間省終異諸州其百姓等應單貧下戶者特放今年半租率土之內賜酺三日
二十七年二月己巳加尊號大赦制天下百姓宜放今年地稅

二十八年十月戊辰詔曰如聞徐泗之間絲蠶不熟雖庸課已納慮百姓艱辛今年地稅特宜放免
天寶元年正月丁未朔御勤政樓受朝賀禮畢赦制

如聞百姓之內或有人戶高丁多苟爲規避父母在乃別籍異居且令州縣勘會其一家之中有十丁已上者放兩丁征行賦後五丁已上放一丁

六載正月詔天下百姓今載地稅並去載應損郡道租懸調諸色勾徵變換等物及請延限並空一切放免征行之家每令存卹差科之際或未優矜自今已後並准飛騎例蠲免

七載五月甲戌冊尊號畢大赦詔天下百姓今載地稅并諸色勾徵欠負等色在百姓腹內未納者并一切放免

十四載八月辛卯天長節大赦制曰聖人積不涸之倉王者用無窮之府支計苟足多賦何爲天下百姓今載租庸並空放免天下諸郡逃戶所欠租庸應復業者其親隣已代出租庸不在徵賠之限

肅宗以天寶十四年七月卽位於靈武改元至德詔諸勾徵逋租懸調及官錢在百姓腹內並與放免至德元年十月駕至彭原郡十二月詔彭原郡百姓給復二年

二年十二月詔以討安祿山陣亡人家給復二年諸郡縣或隔絕賊境則困於幽殘或犒宴官軍則弊於

賦役其年載租庸三分放一其天下百姓應諸色人
勾徵及欠負官物一切放免太原久遭圍逼給復三
載上黨三度被攻給復五載其南陽潁川靈昌睢陽
雍丘等郡縣堅壁多時力窮方下絕食尚守情亦可
矜宐各給復三年其好時奉先兩縣進退禦寇徵求
復多各給復三載蜀郡上皇親幸萬乘久居明年租
賦宐依嘗式起復載給復三載

二年正月冊尊號禮畢赦詔天下百姓今年租庸並
放其百司府縣諸色雜供各宐減半其雜徭役非要
切者一切並停其州因城陷被殺戮殘毀者委本道

使勘責取實各量免其二年租賦其流亡戶復業者
委本道使與刺史勾當賑給并與種子犁牛仍免三
年租賦

乾元元年四月享廟禮畢詔天下百姓除正租庸外
一切不得別有使役十月冊成王爲皇太子詔天下
孝子順孫義夫節婦終身勿事

二年二月丁亥詔天下州縣應欠租庸課稅傳馬粟
貸糧種子糴糶變稅及營田少作諸色勾徵納未足
者一切放免其正義等倉及諸色攤徵亦宐准此其
至德二年十二月三十日巳前和糴和帀并欠負官

物及諸色官錢欠利嘗平義倉欠負五色一切放免
三年二月詔其天下百姓灼然單貧交不存者緣租
庸先立限長行每鄉量降十丁猶恐編戶之中懸磬
者衆限數既少或未優矜其實不支濟者宜令每鄉
量更矜放

閏四月御明鳳門詔義夫節婦孝子順孫終身勿事
上元二年正月詔曰寇孽未平軍戎當備厝庶之內
征賦猶繁朕所以親帥公卿躬行節儉而詔書屢下
蠲免蓋多至國計軍儲取給而已猶欲累加損抑以
惠黔黎以委中書門下勾當令度支使與諸供司一

切減省庶可蠲免每司各條件聞奏當使施行

三年九月詔義夫節婦孝子順孫終身勿事

元年建卯月御明鳳門詔孝子順孫義夫節婦終身
勿事

代宗寶應元年四月卽位五月丁酉詔天下百姓逋
租懸調貸糧種子諸色欠負官物一切放免

二年七月改元廣德制曰百姓逋租懸調及一切欠
負官物等自寶應元年二月三日巳前竝放免一戶
之中有三丁放一丁庸調地稅依舊每畝稅二升應
徵稅租刺史縣令據見在戶徵科其逃亡死絕者不

得虛攤隣保河北百姓復三年應是廻訖行營經歷處免今年租稅

廣德二年二月己亥親拜南郊祀昊天上帝禮畢大赦天下制其實應元年十二月三十日已前諸色逋欠在百姓腹內者並宐放免孝子順孫義夫節婦終身勿事

三月辛丑詔河南府給復二年

十一月癸卯蠲免越州今年半租温州台州明州各給復一年

永泰元年正月御舍元殿改元制自廣德元年已前

天下百姓所欠負官物一切放免在官典膳內者不在免限其百姓除正租庸外不得更別有科率

二年十一月庚辰勅曰古者量其國用而立稅典必以經費用之輕重公田之籍可謂通制履畝而稅斯誠弊法期於折衷以便宜於時億兆不康君孰與足故愛人之體先以博施富國之源必在均節朕自臨宸極比屬艱虞嘗欲闡敦朴之風守冲儉之道每念黎庶思致和平而邊事猶殷戎車屢駕軍興取給皆出邦畿九伐之師尚勤王畧千金之費重困吾人乃者尊卑有之言守周公之制什而稅一務於行古今則

編戶流亡而墾田減稅計量入之數甚倍徵之法納
 隍之懼當宁軫懷慮失三農憂深萬姓務從省約稍
 異蠲除用申勤卹之旨以救惻癸之弊其京兆府所
 奏今年秋稅八十二萬五千石數內宜減放一十七
 萬五千石委黎幹據諸縣戶口地數均平放免仍分
 明榜示百姓令知當戶所減斛斗數訖奏聞其青苗
 地頭錢亦宜三分放一先欠永泰元年地頭錢十四
 萬九千一百四十一貫並宜放免朕當躬儉節用卹
 我黎元中夏漸寧庶有康濟宣示百姓知朕意焉齊
 大曆元年十一月甲子日長至帝御含元殿改元制

其逃戶復者宜給復三年

二年正月既平周智光

智光為同
華節度

元年十二月叛詔

曰求瘼卹隱諒在憂勤罷賦省徭與之休息况因師
 旅供億頗繁故孝武悔征伐之事魏文隆田租之復
 同華兩州百姓等項以賊臣背叛制在兇威淫刑以
 逞厚斂無度閭閻之內杼軸其空朕肝食增懷納隍
 自咎將問干紀之罪遂興無戰之師哀我斯人困於
 日費有牛酒壺漿之犒有資糧扉屨之供凋殘之餘
 何以堪此言念刑弊豈忘優矜宜給復二年一切蠲
 免放仍委刺史縣令勞徠安集庶可小康宣示百姓

使知朕意

三年六月辛丑詔曰夏后氏五十而貢殷人七十而助周人百畝而徹其稅皆什一也故謂之天下中正而頌聲作矣乃者因三代之制定其稅典務於行古庶以便人屬以外攘四夷歲會戎事軍國用度公儲匱乏後費薦至近於倍征而吏或奉法不謹失我字人之意孤憚者資有厚斂豪富者貸以輕徭動而生奸浸而流弊稅之什一其實大半致有去父母之邦其庸保之役流離逋蕩靡室可依貼於死亡而莫之省每一念至良深閔惻頃以釐改從其便安置沃瘠

之差寬賦斂之重今邦畿之內宿麥非稔去秋墾田又減嘗歲昨者徵稅其數頗多朕以萬姓不安三農將廢憂勤籌切中夜以興思以康濟庶臻其道每欲悉免量入將悉其困而未解兵嚴猶資日費用蠲嘗數以卹疲人其京兆府於今年所率夏麥宜於七萬石內五萬石放不徵二萬石容至晚田就後已雜色斛斗續納仍委京兆府尹崔昭差少尹李倚于頔等縣分巡撫必躬必親宣示朝章令悉朕意

四年三月詔特免京兆府百姓今年稅錢

十一月乙卯詔京兆府今年稅量放十萬石仍令京

兆尹卽與合審勘會不支濟戶先矜放百姓應納地稅及草等各隨使送納不得勞人其諸司丁役及掌閑驍騎等宜委中書門下勘會其先出資竝官出錢充不須與有科率甲子詔曰此屬秋霖頗傷苗稼百姓種麥其數非多如聞村閭不免流散其大曆五年夏麥所稅特宜與減當年稅

是月乙亥勅曰王者以家宰制國用司會質歲成必視豐荒之年以均賦入之數自近古以來天下郡縣或有水旱之處則亦減其田賦休其力後不急之務不便於時亦皆節省以惠窮乏上天眷命屬朕黎元

敢不敬承勵于勤卹躬自儉薄刑于家邦非上薦宗廟下資軍旅未嘗私于所奉更有徵求藏之於人孰謂不足乃者屬減邦賦以勸農耕而四時罔借九扈皆敘近自關右達于海隅溥其百穀之穰寧止三年之積非朕寡德所能臻茲蓋祖宗景靈被此嘉貺仰荷殊慶兢懷益深而淮南數州獨罹災患秋夏無雨田萊卒荒閭閻艱食百價皆震永念於此良增憮然我念憂傷終夜不寐且有蠲貸安用流亡其准上今年租庸地稅旨支米等宜三分放二分

十二年元載主書卓英倩家在金州英倩附托元載

權侔上列及載大法英倩坐誅英倩弟英璘遂盜官器伏擁子弟據險要以拒朝命帝發禁兵千人及山南西道兵千人分道討之王師至英璘黨大潰是州以英倩之故頗至殘傷特詔給復二年

十一月庚辰詔曰朕以黎元者君之肢體傷之則慘但賦稅者國之衣食均之則贍濟然特圖其本先假貧人之獲安所謂富國所以底慎財用蠲省征徭期致理於太寧庶自邇而及遠如聞巴南諸州自頃年以來西有蕃夷之寇南有羗戎之聚歲會戎事城出革車子弟困於征徭父兄疲於餽餉賦益煩重人轉

流亡荒田既多頻歲仍儉戶口凋耗居邑蕭然去桑梓之重遷保山林以自活念性命於俄頃或逡巡於斂攘傳不云乎窮斯濫矣顧共問井夫豈不懷哀我矜人蓋非獲已朕之不德自咎良深其邑蓬渠集壁克通開等州宜放二年租庸及諸色徵科亦宜蠲免仍委本道觀察使及刺史縣令切加招撫

